

SCRIPT OF EVENING GOJRI NEWS BULLETIN 10JULY 1700 HRS

ایویننگ گو جری نیوز بلیٹن مورخہ 10 جولائی 2025

یوہ آکا شوانی جموں ہے نصرت تے محمد اشفاق تیں خبر سُنو۔

HEADLINES

۱۔ وزیر اعلیٰ عمر عبداللہ نے کہیو ہے جے پہلگام دہشت گردانہ حملہ تیں بعد جموں کشمیر اندر سیاحت مانہ پھر تیں بابدو ہو رہیو ہے۔

۲۔ مرکز نے جموں کشمیر گا دبی علاقہ کی 316 سڑکاں واسطے قریب 4224 کروڑ روپیا منظور کیا ہیں۔

۳۔ چین مانہ منعقد ایشیا کپ وشو چیمپین شپ مانہ رجت چارک جموں کشمیر تیں پہلا سونا غو تمغو حاصل کرن آلو کھلاڑی بن گئیو ہے۔

۴۔ مزببی تے روحانی اُستاداں گا اعزاز مانہ گرو پُرنا تہوار نانہہ اج بڑا جوش و خروش سنگ منایو جارہیو ہے۔

CM TOURISM

وزیر اعلیٰ عمر عبداللہ نے اج کہیو ہے جے پہلگام دہشت گردانہ حملہ گے بعد جموں کشمیر مانہ سیلانیان کی آمدرفت فر توں شروع ہوگئی واضع رہ جے پہلگام دہشت گردانہ حملہ مانہ قریب 26 افراد کی موت واقع ہوگئی تھی انہاں نے کہیو ہے اس دہشت گردانہ حملہ توں بعد دوبارہ توں سیاحت مانہ بابدہ کی امید کی جارہی ہے وے اج کلکتہ مانہ سیاحت بارے ایک تقریب سنگ خطاب کرتا واں بول رہیا تھا اُن گو مزید کہنو تھو جے اس حملہ توں بعد ہم دو حصاں مانہ تقسیم ہوا ہاں مگر ہم امید کراں جلد توں جلد سیرو سفا مانہ بابدو سنگ یاہ دوری ختم ہو جے گی اس موقعور گل کرتا واں وزیر اعلیٰ عمر عبداللہ نے اس طرح کہیو۔

RURAL ROADS

مرکزی وزارت دیہی ترقی نے پردھان منتری گرام سڑک یوجنا غا چوتھا مرحلہ غے تحت جموں کشمیر گا 19 ضلاع مانہ 316 سڑکاں غی تعمیر واسطے 4224 کروڑ روپیہ منظور کیا ہیں ان منصوباں غی مجموعی لمبائی 1781 کلو میٹر ہے سب تیں زیادہ سڑک راجوری ضلع مانہ منظور کی گئی ہیں جت 41 سڑکاں واسطے 588 کروڑ 12 لکھ روپیہ مختص کیا گیا ہیں۔ راجوری تیں بعد پونچھ مانہ 40 سڑکاں واسطے 484 کروڑ 92 لکھ روپیہ دتا گیا ہیں رام بن مانہ 26 سڑکاں غی منظوری دتی گئی ہے جن واسطے 416 کروڑ 10 لکھ روپیہ مختص کیا گیا ہیں جدکہ ادھمپور واسطے 20 سڑکاں غی تعمیر واسطے 304 کروڑ 18 لکھ روپیہ منظور کیا گیا ہیں۔

CLOUD BURST

کشتواڑ غا سزار پاڈر علاقہ مانہ بادل پھٹو ہے خوش قسمیتی سنگ بُن توڑی کسی جانی نقصان غی کائے اطلاع نہیں ملی ہے تاہم پانی غی سطح بدھ گئی ہے بچاؤ کاروائی ٹیم موقعور روانہ کردتی گئی ہیں محکمہ موسمیات نے موسم بارے ہدایات جاری کی ہیں تے لوکاں تیں کہیو ہے کہ نالاں تے دریائے چناب غے قریب نہ جیں انتظامیہ نے تمام شہریاں تیں

گزارس کی ہے کہ محفوظ رہیں تے مقامی حکام غی ہدایات ور عمل کریں اس بارے مزید جانکاری دیتا واں پیش ہے مارا نامہ نگار غی یاہ رپوٹ۔

MINOR GIRL KILLED

ضلع پونچھ کی تحصیل منڈی گا چک بونالا علاقہ مانہہ پشی پین گے دوران ایک پتھر لگن نال چھوٹی بچی کی موت واقع ہوگئی ہے پولیس نے دسیو جے 11 سال کی یاہ بچی ہتھر لگن سنگ موقع ور ہی فوت ہو گئی یا بچی جس گو ناں عافیہ کوثر دختر مختار احمد ہے تحصیل مینڈر کی رہن آلی تھی پولیس نے اس سلسلہ مانہہ مزید پتو لان بارے معاملو درج کیو ہے۔

FRUIT AND VEG MANDI

رام بن ضلع مانہہ زرعی فروخت گا نظام ناہہ مضبوط بنان غی ایک اہم پیش رفت غا طور ور بٹوٹ مانہہ واقع پھل تے سبزیاں آلی منڈی اج تیں مکمل طور ور قَال ہو گئی ہے یے منڈی ہُن پجل سبزیاں دیگر زرعی پیداوار تے تیار شدہ کھان غی اشیاء غی خریدو فروخت واسطے ایک متحرک مرکز غا طور ور کم کرے گی جس تیں کاشتکاراں تاجراں زرعی کاروباری افراد تے اپنی مدد آپ کرن آلا گروپ ناہہ فائدو پُجے گو۔

GURU PURNIMA

وزیراعظم نریندر مودی نے اج گورو پورنما تہوار گا موقع ور قوم ناہہ مبارک باد پیش کی ہے واضع رہ جے یوہ تہوار روحانی تے مزہبی رہنما اساتذہ گا اعزاز مانہہ منایو جے تے جس ناہہ اجے پورا ملک مانہہ برا جوش خروش سنگ منایو جارہیو ہے یوہ تہوار ہندو ازم بدھ ازم تے جین ازم کی قدیم روایات گے چلتاں علم گے زریعے تاریکی ناہہ دور کرن مانہہ اہم کردار ادا کرے اس دوران مذہبی روایات گے مطابق ورتھ پوجا تے دیگر عبادت کی جیں۔ یاد رہ جے اس تہوار ناہہ ہندو کلینڈر گا اشادھا مانہہ پہلا پودا چن گا نظر آن ور منایو جے جہیڑو جے عام طور ور جون جولائی مانہہ دیکھیو جے اس موقع ور لیفٹیننٹ گورنر منوج سنہا تے وزیر اعلیٰ عمر عبداللہ نے اج قوم ناہہ مبارک باد پیش کی ہے۔

GURU PURNIMA

گورو پورنما غو تہوار پونچھ مانہہ مزہبی جوش و جذبہ غے نال منایو گیو راج گورو گدی شری دشمنی اکھاڑا پونچھ تے برہم شاہ گورو گدی گورو نیواس پونچھ مانہہ ہزاراں عقیدت منداں نے شرکت کی تے اپنا مقدس گورو ناہہ خراج عقیدت پیش کیو۔ دشمنی اکھاڑا پونچھ غا جنرل سیکرٹری رابٹ شرما نے آکاشوائی گا خبراں آلا شعوبہ سنگ گل کرتا واں کہیو کہ یاہ تقریب گورو پرنما تیں شروع ہوئی اس تیں بعد آرتی تے گورو کا لنگر تقسیم کیو گیو۔ انہاں نے مزید اس طرح کہیو۔

WUSHU GOLD

جموں کشمیر واسطے تاریخی لمحو رجت چارک نے ایشیا کپ وشو چیمپینشپ مانہہ پہلو سونا گو تمغو حاصل کیو یوہ مقابلو 2 تیں 7 جولائی 2025 توڑی چین غا شہر جیلین مانہہ ہوو۔ رجت چارک نے بھارت غی نمائندگی کرتا واں آخری مقابلہ مانہہ کزاکستان غا مضبوط کھلاڑی ناہہ شکست دتی اس کامیابی نے نہ صرف جموں کشمیر غو بلکہ پورا ملک غو سرفخر سنگ اُچو کیو ہے۔ لیفٹیننٹ گورنر منوج سنہا نے رجت چارک ناہہ اس شاندار کارنامہ

ور مبارک باد دتی سماجی ذرائع ابلاغ ایکس ور اپنو پیغام دیتا واں اُنہاں نے رجت نانہ
جموں غو فخر قرار دتو تے کہیو کہ اس غی کارکردگی نے ریاست تے ملک دواں غو ناں
روشن کیو ہے۔

ACCIDENT COMPENSATION

ضلع ترقیاتی کمشنر پنکج کمار نے سڑک حادثاں مانہ موت ہوا افراد گا کُنباں نانہ ساڈے
چار لکھ روپیا مالی امداد گا طورور پیش کیا ہیں واضع رہ جے یاہ رقم قریب 5 کُنباں مانہ
تقسیم کی گئی ہے جن مانہ 1 لکھ روپیاں فوت ہوا فی افراد نانہ دتا گیا جد کہ 50 ہزار زخمی
افراد نانہ پیش کی اگیا ہیں یاد ر جے یاہ امداد جموں کشمیر گا روڈ ایکسیڈنٹ وکٹم فنڈ
بچوں پیش کی گئی ہے مہارا ضلع نمائندہ سنگ گل کرتا واں تسلیم وانی نے اس طرح کہیو۔

SAMBA LAND COMPENSATION

دہلی امرتسر کٹڑا ایکسپریش وے پروجیکٹ گے پیش نظر ضلع انتظامیہ سانہ نے جاتے
تہاڑے سڑک مانہ آن آلی زمیناں گا معاوضہ گا سلسلہ مانہ 5 گرایاں گا قریب 40 افراد نانہ ۲
کروڑ 96 لکھ 87 ہزار 1 سو 43 روپیا معاوضہ گا طورور پیش کی اپیں اس سلسلہ مانہ ایک
مخصوص کیمپ وجے پور مانہ لایو گیو تھو جت ی معاوضہ زمیناں گا مالکاں نانہ دتا گیا اس
موقع ور ضلع ترقیاتی کمشنر سانہ راجیش شرما اس تقریب کی قیادت کر رہیا تھا۔
